



# COMUNA DE OLLOLAI

## PROVÌNTZIA DE NÙGORO

**Nùmeru. de su protocollu 1593**

**Ogetu:** Lege regionale n. 31 de su 25 de làmpadas de su 1984, articulu 7, litera H. assegnazione de bursas de istùdiu pro sos istudiantes, chi appartenent a familias isvantagiadas, de sas iscolas pùblicas secundàrias de primu e de segundu gradu.

### **Su Responsàbile de su servìtziu amministrativu**

**BIDA** sa determinazione n. 378 de su 13/07/2015, in relata a s'atuazione de sos interventos chi pertocant sa Lege in ogetu

### **Faghet pùblicu**

- 1) Est cunvocadu unu concursu pùblicu pro titulos pro s'assegnazione de n. 25 (bintichimbe) bursas de istùdiu, de sas cales n. 10 (deghe) pro sos istudiantes de sas iscolas secundàrias de primu gradu chi ant otènnidu una valutazione finale non prus bassa de "**buono**". De custas n. 10 (deghe) bursas, n. 5 (chimbe) sunt de su valore de èuros **150,00**, n. 3 (tres) sunt de su valore de èuros **200,00** e n. 2 (duas) sunt de su valore de èuros **250,00**; imbetzes, pro sos istudiantes de sas iscolas secundàrias de segundu gradu (classes intermèdias) chi ant otènnidu una valutazione finale non prus bassa a una mèdia de **7/10**, bi sunt n. 5 (chimbe) bursas de istùdiu de su valore de èuros **150,00**, n. 3 (tres) chi si balent èuros

**200,00** e n. 2 (duas) de su valore de èuros **250,00**; in fines, pro sos istudiantes neodiplomados chi ant àpidu una valutatzione finale non prus bassa a una mèdia de **72/100**, bi sunt n. 5 (chimbe) bursas de istùdiu gosi partzidas: n. 2 (duas) de su valore de èuros **250,00**, n. 2 (duas) de su valore de èuros **350,00**, n.1 (una) de su valore de èuros **400,00**.

2) Totus sos chi cherent partetzipare a su cuncursu depent àere sos rechisidos chi sighint:

- a) Tzitadinàntzia italiana;
- b) Residèntzia in sa Comuna de Ollolai dae prus de un annu;
- c) Sa tzertificatzione chi mustret sa frecuèntzia in un'Istitutu o in un'iscola pùblica;
- d) Sa tzertificatzione chi mustret sa mèdia finale de sos votos: "Buono" pro sos istudiantes de sas iscolas secundàrias de primu gradu; 7/10 pro sos istudiantes de sas classes intermèdias de sas iscolas secundàrias de segundu gradu, 72/100 pro sos istudiantes chi ant fatu s'esàmine de maturidade;
- e) Sos istudiantes non depent èssere beneficiàrios de àteras bursas de istùdiu nen de assegnos nen de prèmios de istùdiu a càrrigu de s'Istadu o de àteros Entes;
- f) Su rèditu ISEE de sa familia non depet èssere prus artu de èuros **20.000,00** (bintimìgia);
- g) Pro fàghere sa dimanda bisòngiat cumpilare sos mòdulos apòsitos, chi s'agatant in sa Comuna, e totu sa documentatzione depet èssere imbiada, intro de una busta serrada dae chie esèrtzitat sa pàtria podestade o sa tutela, salvu chi su cuncurrente siat de edade maggiore, a sa Comuna de Ollolai, subra de sa busta bisòngiat marcare "Bandu de cuncursu pro n. 25 (bintichimbe) bursas de istùdiu – annu iscolàsticu 2014/2015, o puru cunsinnada a manu a s'ufitziu de su protocollu intro e non prus a tardu de sas oras **13:00 de su 16/08/2015**.

Cun sa dimanda bisòngiat allegare sa documentatzione chi sighit:

- a) Su tzertificadu de istùdiu cun s'indicu de su votu finale pro onni matèria o sa valutatzione finale cumplessiva
- b) S'autotzertificatzione comente prevididu dae su D.P.R. 445/2000, art. 46;

- c) Una declarazione ISEE in relata a s'annu 2012 de sa familia intrea, su rèditu cumplessivu ISEE non depet èssere prus artu de èuros 20.000,00;
- d) Si faghet pùblicu chi s'ufitziu cumpetente podet fàghere unu cuntrollu subra de sas autotzerticatziones chi ant a èssere presentadas.

Su Responsàbile de su servìtziu amministrativu e s'operadore culturale, leadu a cunsìderu su mèritu e sas cunditziones econòmicas de sos partetzipantes a su cuncursu, ant a fàghere una graduatòria comente prevididu dae sa determinatzione n.                      de su

Sas bursas de istùdiu ant a èssere dadas sighende s'òrdine de sa graduatòria.

**SU RESPONSÀBILE DE SU SERVÌTZIU AMMINISTRATIVU**



(F. du Ing: DAVIDE SORO)

Ollolai 13/07/2015

**PÙBLICADU IN S'ALBU PRETÒRIU CUN SU N. 139 DE SU 13/07/2015**

**ISCADÈNTZIA 16/08/2015**